

# JUAN ÖSUPAWAN

## ACHCAYPA WILAPAN



QUECHUA DE HUAMALIES

# Juan Ösu



Unayshi juc warmi aywargan chacrapa soglucog.  
Chacracho soglucuycaptinshi elagpita juc jatuncaray ösu  
yuripaycur warmita shawatacurcur apacorgan warmin

cananpä. Sayshi warmega mansacaywan watpasquir gayacuytapis camäpacorgansu. Sayshi ösoga warmita pat-patyaycachaycagta machayninman chäsergan.

Say ösupa machaynenga jatuncaray gaga chaupin-chöshi cargan. Sayshi wan-wanyaycag gaga chaupincho captin maypa yargamunanpäpis warmega cargansu. Saynopis warmi mana yargamunanpä jatuncaray läja rumiwanräshi machay puncutapis ösoga sapaycunä.

Saychöshi warmi wagalar waran-waran wichgaräcog. Ösunashi warminta segaypa cuyashpan imaycatapis micunänpä waran-waran ashtapargan. Saylamansi yacutapis uyluwan ashtapag. Sayräshega uyshatapis, cuchitapis, wäcatapis y imayca munti uywacunapa aysantapis apapaycog. Sayno apapaptinshi warmega waran-waran chashlalarrä aysata ancapacurir micog.

## 2

Sayno cuyar shumag ricaptinshi warmega say ösuwan yachacashgana täcorgan. Ösuwan sayno taycarshi warmega ösupa surinta gueshyag ricacorgan. Gueshyag car antujashgancunatapis lapantashi ösoga warminta ashtapag. Saypita quilan tincircuptinnashi warmega cuyaylapä ösu malwata gueshyacorgan. Surin cuyaylapä quiquin-nirag yuriycuptinshi ösoga cushicushpan saltaycachanganrä. Sayshi jinan öra aywar yayan yana carnita apamorgan warminpa almentunpä. Sayshi warmintaga gueshyacushganpita sharcushganyag waran-waran

# Achcaypa wilapan

Unayshi cargan segaypa muchuy. Runacuna micuyä-nanpä imapis mana captinshi ñäbuspa rapralantana micu-

yargan. Sayshi juc wayicho pulan pagas öra warminta runa yachaylapa taporgan:

—¿Maychötä canala caycan taricamushgä jarata ancarcu-nansipä?

Sayno nishganta wiyar ishcay wamracunaga punuy-cäyashganpita nergan:

—¡Noga ricaycämi canalata, papä!

Sayno nishgan-pitashi waraynin tutaga warmi olgu wamrancunata shicraman winarcur gaga-man warcuycamorgan:

—Gamcunaga imatapis ricaycäyanquicher ¿au?  
—nishpan.





Saypitanashi gagacho wagar warcaraycaptin quillicsha päsaycänä. Sayshi wamracuna gayacuyargan: —¡Tayta quillicsha, jorgaycalämäy! —nir.

Nir gayacuptinshi: —¡Apurämi aywacuycä! ¡Guepäta, shamuycag algayta ruwacuyay! —nishpan päsacorgan.

Maylantanashi päsaycänä ishcay algaycuna. Sayta ricaycurshi gayacuyargan: —¡Tayta algay, jorgaycayälämäy! —niyashpan.